

STIRPIVM HISTORIÆ

PE MPTADIS QVARTAE

LIBER SECUNDVS,

DE LEGVMINIBVS.


PRÆFATIÖ.

FRUMENTIS succedunt Legumina, Frugum alterum genus: veteres siquidem Frugum nomine Frumenta & Legumina complexi. Legumina Græcis ἄρεται dicta sunt, que quia manu leguntur, non autem ut frumenta subsecantur, Legumina Latinis nominari putantur. Galenus in lib. De alimentorum facult. tertium quodam genus addit, eorum videlicet quorum semina in cibiorum numerum subinde admittuntur. horum autem multa inter Legumina reposita, pauca alibi descripta.

DE BONIS SIVE FASELIS,
AC PRIMVM DE MAIORE.

CAPUT PRIMUM.

Bona siue Phasclus maior.



habet; veluti & Ochri, Pisa, Ciceres, & plura alia legumina. radices huius longæ sunt, ac multis fibris firmantur.

Seritur Bona hæc in agris ac hortis.

Floret Aprili ac Maio mensibus, & particulatim quidem ac diu: fructus Iunio ac Iulio ad maturitatem peruenit.

Germani Bonen: Galli Febues: Itali Fauam, quasi Fabam, vulgarem appellationem secuti, nominant. Hanc etenim veterum Græcorum κυανον, ac Latinorum Fabam esse, non solum Officinae, sed omnes passim crediderunt; qua in re quantum à veritate absint, ea vel liquido

VULGO dictarum Bonarum tria occurunt genera: Maior, Minor, & Silvestris. Maior Bona culmo siue scapo exit quadrangulari, glabro, inani, nullis geniculis intersecto, longo & erecto; qui vbi quidem dense seritur, pedamentis aut adminiculis quibus sustentetur non eget: vbi verò seorsim, facile in terram collabitur: folia ex interialis promit oblonga, ex pluribus vni costæ siue pediculo adnatis composita, quorum singularia subpingua sunt, venosa, glabra, rotundis longiora: flores spicati sunt, forma oblongi, colore aut candidi, litoris nigris conspicui, aut ex purpura nigrescentes: succedunt filique longæ, crassiæ, carnosæ, inferiore parte tenuiores, interius quodam veluti candido tomento aut mollibus floccis lanosæ & hirsutæ, quæ ante maturitatem virent, post verò sicciores factæ, nigrae sunt ac duriusculæ, veluti & Genistæ siliquæ, his longiores tamen maioresque, in quibus fructus tres, quatuor, aut quinque, raro plures, oblongi, lati, compressi, humani ferè vnguis similitudine, magni & semidrachmæ sæpenumerò pondo, ut plurimum candidi, subinde ex rubicundo colore purpurascentes; qui superiore sua parte oblongum nigrum veluti umbilicum habent, quem tegit oblongus dilutè virens vnguiculus. Putamen huius densum est, interior pars resiccata dura solidaque, in duas partes facile finditur, & ab uno latere germinationis principium evidens

quidò ostendunt, quæ de Fabæ forma & magnitudine apud veteres sparsim reperiuntur, quæ parum admodū aut omnino nihil cum Bœna, præsertim eius fructu, conueniunt. Nam Fabæ quidē fructus roridus est, & parvus; Bœna verò longus, latus, & Fabæ comparatione magnus.

Rotundam autem esse Fabam, multorum rotundorum & fructuum & aliorum ad eam collationes ostendunt. Theophrastus Terebinthi semen magnitudine Fabæ esse scribit: similiter & Loti rotundum fructum, quem Dioscorides Pipere maiorem facit: Tiliæ item fructum, & acinos Vitis Idææ (passulas Corinthiacas nominant) quod Hederæ acinis similes etiam perhibet: Taxi denique fructum Faba minorem affirmat. Dioscor. Xyridis rotundum semen Fabæ simile assertit. Plinius Tithymali Paralij fructum, magnitudine Fabæ esse ait. Galenus lib. x. De simplic. medicament. facil. Oniscos qui sub hydriis nascuntur, etiam οὐράνιοι, hoc est, Fabas appellari refert: quod vbi se in globum conuoluerint, esculentis Fabis sunt persimiles. Libro verò De aliment. facil. cap. de Aphace & Vicia, Horum seminum, inquit, figura non est rotunda, veluti Fabarum. Cornelius Celsus, acrochordones thymos epinyctidas, rotunda & exigua tubercula Fabis similia facit.

Quæ omnes similitudines & comparationes, non solum Fabæ rotunditatem, sed & parvam eam esse, evidenter commonstrant. Omnia enim ipsis comparata non solum rotunda, sed & exigua quoque sunt.

Paruitatem porrò earum præter illa & hoc similiter confirmat, quod Dioscorides Ægyptiam Fabam, vulgarem Græcorum magnitudine superare tradat: quæ tamen & ipsa parva est, Bœnaque longe minor. Pendet enim Ægyptia Faba, auctore Galeno lib. De ponderibus, semiobolum tantum: Bœna verò semidrachmam (vti scripsimus) id est, obolos integros tres, sæpe complet. Idem ostendunt, quæ apud veteres nonnullis locis reperiuntur & alia, veluti apud Galenum & alios eius ætatis scriptores, huiuscmodi capituli alicuius titulus: Si calculus aut Faba aut consimile quidpiam in auditorium meatum illapsum fuerit. Item quod Lukanus in ὀνείρῳ Mycillum adducat obiicientem gallo quod Fabas sublegisset: ac in Icaromenippo formicam fingat Fabæ tunicam apportantem, & alia similia passim occurrentia: sicuti & quod Aristoteles libro De animalium historia sexto, pullorum gallinaceorum oculos, decimo ab incubitu die, Fabis maiores esse scribit, qui tamen in exclusis non admodum magni sunt: Decimo iam die, inquit, pullus totus perspicuus est, & membra omnia patent: caput grandius toto corpore est: oculi capite grandiores hærent, quippe qui Fabis maiores per id tempus emineant.

Ex quibus omnibus evidentissimum manifestissimumque, veras Fabas rotundas ac parvas esse, multoque ipsis Bonis minores, quæ omnibus iis quæ Fabis comparantur, longè sunt maiores, & ea de caussa a Fabis differentes. Ut interim prætereamus, Fabam substantiam habere, vti Galenus ait, raram & laxam, Bœnam verò resiccatam cornu modo solidam. iam & Fabam, eodem auctore, minus alere quam ciceres, Bœnam autem Ciceribus gratiorem, ac alimentum corpori humano copiosius præstare; & si quæ alia sunt eiusmodi argumenta, quæ Fabarum & Bœnarum dissimilitudinem aliquo modo ostendunt.

Bœna igitur non Faba, sed omnino alterius nominis legumen. Cum autem apud veteres nullum aliud reperiatur quod Bœna similius esse queat, quam Faselus, Bœnam eam cum Faselo esse consequi videtur: quem Græcorum complurimi φασιλοι, Dioscorides φασιλοι, Simeon Sethij φασιλοι nominauit.

Habet enim in primis Bœna fructum Dolichis forma similem, at maiorem quæ maior est, cuiusmodi Faseli esse Dolichus innuit, diminutiua voce, à similitudine Faseli, φασιλος, nuncupatus.

Iam & Bœna alta proceraque est, qualem Faselum esse Columella testatur lib. x.

Et gravis at triplici confurgit longa Faselus.

Vulgarem item olim per Italiam fuisse Faselum, ex libris Columellæ, Palladij, Virgilij notissimum est, sationis enim eius & tempus & modus in his docetur: Bœna verò hac aetate nihil familiarius.

His accedit, quod minoris Bœnae fructus, Sparti fruticis siue Spartij lobum magnitudine ac forma, & non raro colore, proxime referat: at Spartij λοβες ὁπερ φασιλοι η φασιλοι, Dioscorides tradit, id est, lobos veluti Phasiolos.

Si enim minores Bœnae Phasioli siue Phaseli sunt, vt satis ex dictis apparet, maiores Bœnae haud alterius generis esse possunt. caule siquidem, foliis, floribus, filiisque, ac nota in summo fructus nigra, minores referunt, & sola quantitate maiore ab ipsis differunt.

Phasioli autem, quibus Sparti fruticis lobi à Dioscoride similes perhibentur, iidem sunt cum Phaselis, à Galeno in lib. De aliment. facult. appellatis. Differentem etenim φασιλοι à Smilace hortensi, qui alias δόλιχος, Dioscorides facit: tertium autem similis nomenclaturæ legumen,

legumen, nusquam descriptum reperitur, quam ob rationem, quadrisyllabus φασιολος per iā-
ra secunda syllaba, à trifyllabo φασιλω per iā differre nequit.

Facere verò & huc potest, quod Galenus lib. I. De alimentorum facult. inter ea semina, quæ
in aqua eousque dum radices egerint macerata eduntur, Phaselos quoque numeret: & no-
stra hac ætate vulgares Fabæ siue Bœnæ, in aqua etiam maceratæ edantur; & quidem à reli-
giosis montis Athou, vt Bellonius Singularium lib. primo cap. xxxviii. & xlvi. refert.
Quos verisimile hanc consuetudinem à veteribus retinuisse, sic vt & hinc colligendum vi-
deatur, olim Phaselos dictos fuisse, quas nostra ætas perperam Fabas, Germani Bœnas vo-
cant. Semina autem quæ in aqua macerata eduntur, referente Galeno sunt, Fœnogræci,
Phaseli, Eruiliæ & Lupini. Horum autem nullum cum Bœna conuenire potest, excepto solo
Phaselos, qua de causa & Bœnam Phaselum esse satis manifestè consequitur.

Iam & Simeon Zethi maiorem Bœnam satis manifestè etiam sub φασιλον nomine (ita
enim φασιλον vocat) proposuisse videtur: duos referens, vnum rubentem, alterum albidum,
quales utique maiores Bœnæ sunt.

Reperiuntur postremò in Bœna facultates ex, quas φασιλω Dioscorides tribuit: nam re-
cens Bœna nondumque matura esitata, & inflationem parit, & tam ægrè difficulterque con-
coquitur, vt sèpè vna cum excrementis alii, non permutata descendat, aluum quoq; com-
mouet, ac non raro cit; quæ Dioscorides Phasiolo tribuit: Phasioli, inquit, inflant, flatus
mouent, ægrè concoquuntur, virides cibo aluum emolliunt, ad vomitiones autem idonei.

Quæ omnia pariter ac simul tam manifestè innuunt, ostendunt atque demonstrant, Bœ-
nam Germanice dictam, veterum Græcorum & Latinorum φασιλον, ac Dioscoridis φασιλον
esse, vt dubitandi nullus locus superesse videatur: nihil enim de Phaselio alicubi occurrit,
quod non cum Bœna conueniat.

Est autem Bœna, siue Phaselus, quod ad facultates eius attinet, in alimētorum numero non
postremo loco, arida, vt cetera legumina, decocta & in cibis assumpta: nam recens quidem
inflat, & flatus, veluti modò scripsimus, gignit. At resiccata & arida, probeque deinde cocta,
minus aut parùm admodum flatulenta eit, corpori alimentum mediocre, & illud medio-
criter confert: descendit autem cum putaminibus quidem, nec omnino facilè, nec omnino
tardè; absque his autem aluum constringit, & potentius quidem, quæ rubra est.

Farina Bœnarum, cataplasmati præfertim resiccantibus, deficiente Fabarum, eius loco
hac ætate admiscetur, & non inutiliter quidem. Sicuti enim temperies eius parùm à medio
recessit, ita ad multa utilis est. Talia siquidem medicamenta, auctore Galeno, multis aliis
miscentur, ceu materiae quædam. Abstergendi autem facultatem Fabaceæ farinæ, Bœna-
rum non habet.

Galenus lib. I. De aliment. facult. Phaselus, ait, medium quodammodo locum obtinet in-
ter ea quæ succum bonum & prauum generant: inter concoctu facilia & difficilia, tardè &
celeriter transiuntia, flatulenta & flatus expertia, parùm & multùm nutrientia. Nullam
enim affectricem habet qualitatem instar quorundam, quæ acres, aut austeros, aut acerbos,
aut falsos, aut amaros, aut dulces habent sapores.

De Bœna siue Faselo minore. C A P. II.

M INOR Bœna caule, foliis, floribus, ac siliquis, maiori similis est, singulis tamen mino-
ribus, & foliis pluribus, multoqué crebrioribus, ex quorum alis flores in singulis paruis
pediculis, vt plurimum seni, spicatum digesti prodeunt, quos totidem fere succedunt siliquæ,
torosiores minoresque quam alterius: fructus quoque minor est, verum non omnino latus
neque compressus, sed teretis quodammodo figuræ, ac in rotunditate oblongus, colore alias
subalbicans aut subflavus, alias niger, qui & umbilicum superiore parte paruum ac nigrum
habet. Putamen huius duriusculum quoque est, interior autem medulla minus densa aut
dura, sed rario & laxior. Fœcundum admodum legumen, quod maiorem Bœnam non fo-
lium multitudine foliorum, sed & florum siliquarumque numero superat.

Seritur in agris, & frequentiū apud Zelandos, equorum iumentorumque pabulo. Me-
dium quoddam genus est, inter maioren, ac silvestrem rotundam Bœnam: maioribus siqui-
dem, minor & rotundior; silvestribus verò maior ac longior.

Brabanti vna cum Flandris, Hollandis, Zelandis, ac aliis finitimis vulgo Peerts Boonen/hoc
est, Bœnam equinam, & Clepi Bœnien, id est, paruas Bœnas, appellant; plerique etiam Zeeus
sch Bœnien siue Zelandicas Bœnas.

Est verò hæc Bœna, & Phaselus siue Phasiolus quidam, & potissimum ille, quem Dio-
scorides videtur solum nouisse; ille certè, cum cuius fructu Sparti lobum comparauit, qui
huic fructui & forma & magnitudine tam similis est, vt sublatu eo, quo stirpi adhæret ac
adnascit.


adnascitur pediculo, nihil aliud, quam huiuscemodi parua Bona, primo aspectu videatur.

Nec potest haec Bona, tametsi minor, $\pi\alpha\mu\sigma$, aut Faba veterum esse: licet plerisque sic videatur. Maior etenim est, quam vel Terebinthi Feminæ vel Tiliæ fructus, qui $\pi\alpha\mu\sigma$ comparantur. Pondere enim maior est quam sit Faba Ægyptia, quæ Græcorum $\pi\alpha\mu\sigma$ pondere superat. Pender enim Bona minor VIIII. aut IX. grana: Faba vero Ægyptia semiobolum tantum, qui quinque granorum pondus est. Item oblonga & quasi teres est minor Bona, $\pi\alpha\mu\sigma$ vero absolute globosus, quales videlicet onisci sunt contracti, qui globosam ac sphæricam figuram referunt.

Ceterum facultate ac temperamento haec Bona non admodum dissimilis maiori est; non tamen tam hominum cibo, quam equorum saginæ seruit ac utilis est. In cataplasinatis farina huius idem quod maioris potest.

De silvestri Bona sine Fasculo. C A P. III.

Bona silvestris.



à similitudine videlicet & caulis, & foliorum, & siliquarum cum Bona.

Græcorum $\pi\alpha\mu\sigma$, & Latinorum Fabam forsitan quis dixerit. Quæ enim de Faba sparsim apud Theophrastum aut alios veteres reperiuntur, multa cum hac Bona conueniunt, vt ex his quæ sequente capite de Faba collegimus, satis manifestum est. An autem propter hanc similitudinem pro vera Faba haberi debeat, considerandum relinquimus.

Porrò usum Bona haec nigra nullum apud nos habet, cum, vt diximus, rara sit, & in paucorum hortis, quos varietas & studium herbarum delectat, tantum seratur.

De Faba, ex Theophrasto & aliis. C A P. I I I I.

FABA inter legumina sola potissimum, inquit Theophrastus, caule constat erecto, quadrangulo, ac, vt Plinius tradit, vnico, coque geniculato (aliás $\alpha\gamma\omega\alpha\tau\alpha\delta\epsilon\iota$, hoc est, abique geniculatis) & inani, quamobrem calamus appellatus est: foliis exit rotundis, multis, floret diutissime, diebus quadraginta, & particulatim quidem alio atque alio flore subinde producente, fructus parvus, rotundus, & numerosus, (inuentus est enim, teste Plinio, scapus centum Fabis onustus) siliquæ adhæret, germinationis principium euidens ostendit: putamen eius crassum, interior substantia rara laxaque, in colore & sapore differentiam obtinet, candidior, autem dulcior, est & nigra quedam. Nam apud Galenum lib. x. De medicamentis secun-

SILVESTRIS siue nigra Bona caule quoque est angulari, inani, nullis geniculis intersepto, & quidem vbi suæ spontis est, vt fertur, breuiore ac erecto, in hortis autem nostræ inferioris Germaniae, longioris, ac nisi adminiculis fulciatur, caduco: foliis quoque Bonæ similibus, sed in claviculas desinentibus, quibus propè assilientia apprehendit, ac complectitur. Flos Bonarum forma, colore è puniceo nigricans: siliquæ quoque veluti aliarum per maturitatem nigræ, interiore sui parte albos mollesque floccos continent, in quibus semina tria, quatuor, aut quinque rotunda, Eruilæ formæ & magnitudine, subinde paulò maiora, colore nigra, paruum candidum vmbilicum habentia; quorum septem, octo, aut subinde nouem semidrachmam pendent. substantia horum seminum rarior est, ac minus dura solidâve, quam Bonarum maiorum: dum autem manduntur, fætorem veluti quedam ingratum excitant.

In Narbonensi Gallia ac Aquitania plerisque locis sua sponte exit: apud Belgas rarum est legumen, neque alibi quam vbi fatum est, prouenit. Siccitatibus in Belgio gaudet: imbris ac humido cæli statu æruginosum efficitur, maximè cum in flore est: paucis à satione diebus exit, citoque attollitur.

Nostræ Wilde Boonienæ & Swerte Boonienæ, hoc est, silvestrem & nigram Bonam appellant,

bonam cum Bona.

secundum loca, Asclepiadi pharmaco adiniscetur, ἀλόγον ἐρεγμίνον τὸ μέλανος, hoc est, nigræ Fabæ lomentum sive farina. Radice nititur Faba parua, non numerosa.

Solum amat leue, terraque solutam. Columella tamen, Fabæ, ait, pinguissimus locus vel stercoratus destinatur; & si veruactum erit, in valle situm, quod à superiori parte succum accipit. Aquas fluentes his magis prodesse quam cœlestes affirmat Theophrastus. Solum in quo sata est letificat stercoris vice, ideoque circa Macedoniam & Thessaliam cum florere incipit, vertunt arua, Plinius. At Columella, sunt qui putent, inquit, in aruis hanc vice stercoris fungi; quod ego sic interpretor, non sationibus eius pinguis cere humum, sed minus hanc quam cetera semina vim terræ consumere.

Nascitur & sua sponte plerisque in locis, sicuti in Septemtrionalis Oceani insulis, quas ob id Fabarias Romani appellantur. Item in Mauritania silvestris paucim, sed prædura & quæ percoqui non possit: auctor Plinius.

Seri debet ante hiemem, maturè, imbecillitatis suæ cauſa, quo serenis diebus radices concipiunt, quibus valenter frigori & tempestatibus hiemis possit resistere: si enim cum sata fuerit, imber plus æquo succederit, prouentu omnino difficultis redditur. Virgilius per Veram seru iubet, Circumpadanæ Italæ ritu, sed maior pars malunt fabalia maturæ sationis, quam trimestrem fructum eius.

Floret Vere ortu Vergiliarum. Apicula procedens Fabam florere indicat, Faba que florens eam euocat. Solsticio autem ineditur.

Prodest Fabæ imber cum floret, tunc enim præcipuè madefieri cupit, sed posteaquam defloruerit, parum omnino aquæ desiderat, imberque ei tunc nocet.

Sentit Faba inter legumina ἵπποις, hoc est, rubiginem magis: tum quia folia vndique multa gerit, tum quia dense obseritur, tum etiam quia humorem maxime ad se trahit, suæ raritudinis cauſa; adde quia fructum terræ proximum gerit: putrescant enim inferiora potissimum, quoniam minus perflantur.

Fabam autem hanc Græcè κύαμον ἄλμιδη appellant, hoc est, Fabam Græcam: item & πύρων, vnde πυρεῖα Atheniensium festa, Apollini sacra, quibus πύρων, id est, Fabæ & legumina coquebantur; à quibus tursus mensis, quo haec celebrabantur, πυρεῖα nuncupatus est, qui fere cum Octobri conuenit.

Nominantur porro κύαμοι, etiam testiculi, quod sint τὰ κύειν αἴτοι, hoc est, pariendi auctores, vel eis τὸ κύειν δένοι, quod est, ferendo utero valentes. Ab his κύαμοι abstinendum Pythagoram præcepisse plerique interpretantur, ac rei venere etiā hoc symbolo eum determinatum aiunt, non autem esculentiarum Fabarum.

Farina Fabarum lomentum, inquit Plinius, appellatur. Græcè ἐρεγμός aut ἐρεγμός, Faba fresa aut fracta nominatur; & ἐρεγμόν ἀλόγον, Fabæ fresæ farina.

Flatulentus autem cibus (inquit Galenus lib. De aliment. facult.) Faba est, etiam si cocta diutissimè fuerit, ac quovis modo parata. Habent verò substatiā non densam nec grauem, sed fungosam ac leuem: quæ vim quamdam habet detergendi. Apparet enim perspicue, ipsorum farina sordes à cute detergere: ob quam sanè facultatem ventrem non cunctanter permeat. Cum autem Fabarum puls sit flatulenta, multò adhuc magis erunt flatulentæ, si quis integris ipsis coctis utatur: si tamen frixa fuerint, flatum quidem deponunt, sed concoctū sunt difficiliores, tardeque prætereunt, & crassi succi alimentum corpori exhibent. Quod si virides priusquam matura sint atque exsiccatæ, edantur, idem eis accidet, quod fructibus omnibus, quos ante perfectam maturitatē mandimus, humidius scilicet alimentum corpori prebebunt, ob que id excrementosius non in intestinis modo, sed in toto etiam habitu: merito igitur Fabæ eiusmodi minus quidem nutrunt, sed promptius deiciuntur.

In lib. verò De simplic. medic. facult. Faba ait, in utroque medij temperamenti proximè est in exsiccando & refrigerando. Caro eius paulum quoque abstringentis facultatis continet, sicuti putamen nonnihil adstringentis; idcirco medicorum nonnulli totam Fabam cum oxycrato decoctam, dysentericis, cœliacis, ac vomentibus exhibuerunt. Excretionibus expectore & pulmone idonea est: foris imposita desiccata innoxie in podagrīis: ea si penumbras vii sumus ex aqua cocta, & ita adipi suilla admixta, ad neruorum tum contusiones, tum vulnerationes farinam eius cum oxielite imposuimus; ad eos quos ex ictu phlegmone occupauerat, cum polenta: sed & testium & vberum aptum est cataplasma. Nam haec partes cum inflammatione tenentur, moderatè refrigerari amant, maxime quando ubera ex lacte in ipsis concreto inflammationem patiuntur. Quin lac quoque ab eo cataplasmate extinguitur, sicuti puerorum pubes farina Fabacea illita, plurimo tempore glabra permanet.

Furunculos (addit præterea Dioscorides) fugillata parotidasque cum Fœnigræci farina, & melle lomentum eius discutit: cum rosa autem, thure, & oui candido oculorum procident-

tias, staphylomata & cœdemata reprimit, subactum vino suffusionibus & ictibus oculorum medetur.

Manducata sine cortice Faba, ad fistulas fluxiones fronti imponitur; decocta in vino, testium inflammationem sanat; puerorum pubi ex ea cataplasma impositum, ipsos diu impuberis conseruat: alphos quoque abstergit.

At cortices Fabarum, capillis euulis impositi, graciles & ut non nutriantur eos conseruat: cum polenta, scisso alumine, & vetere oleo impoliti, strumas discutiunt: decoctum illorum lanas inficit.

Faba dempto cortice in duas illas partes diuisa, ex quibus natura coaluit, sanguinis fluxiones ab hiuudinibus natas, imposita supprimit, si dimidia apponatur.

De Aegyptia Faba, ex Theophrasto & aliis. C A P. V.

AEgyptia Faba, folia habet ampla, petasi similitudine, super aquas eminentia; caulem lignosissimum, quatuor cubitorum, (Dioscorides cubitalem tradit) digitis crassitudine, calamo molli, & non geniculato similem, qui rimas intrinsecus habet, tendentes per totum; Lilij modo: flos duplo maior, quam Papaveris, colore roseus, qui ubi defloruerit, caput profert fauo orbiculato vesparum simile, in cuius singulis cellulis, singulae Fabæ continentur, paululum & bullantis, ut Dioscorides, ampulla modo supereminentes, multitudine ut plurimùm triginta, quæ resiccatae nigrescunt, & vulgares Græcorum Fabas magnitudine superant. In his amarum quoddam eit, ex quo fit, inquit Theophrastus, η πίλος: radix crassissima, arundine plenior, spinosa, rimas similiter ac caulis habet.

Nascitur Faba hæc in Ægypto, vel sua sponte plurima, in paludibus ac stagnis: seritur & in lîmo paleis admixtis, ut descendat, incorruptaque maneat, sicq; fabeta, siue Græcè κυανων, faciunt. Si autem semel apprehenderit, perpetuò manet: radix enim valida est, nec arundinum radicibus dissimilis; ceterum spinas terens, in Syria etiam & Ciliciæ lacubus reperitur, sed tractus ipsi non plenè conficiunt. Et circa Toranam agri Chalcidici quodam in lacu exit, magnitudine mediocri, ubi & percoquitur & perficitur, & in plenum fructificat.

Fabam hanc Græci κυανων αἰγυπτιον, id est, Fabam Ægyptiam appellant, nonnulli etiam κυανων πονηρον, ut Dioscorides refert.

Fructum, inquit Galenus, incolæ κιθηνης κιθηνεον nominant. Item κιθων, auctore Dioscoride, quasi scriniolum, aut arcu lam, quoniam seratur ipsa humenti gleba mandata, & ita in aquam demissa.

Radici κολοκαστη nomen est, quæ & cruda & elixa & assa manditur, eoque cibo, qui paludes incolunt, vtuntur.

Ceterum Ægyptia faba, ut Galenus lib. I. De aliment. facult. tradit, sicuti Græcorum magnitudine longe superat, ita & naturam habet humidiorem, magisque excrementitiam.

Adstringendi facultatem obtinet, Dioscorides ait, & stomacho utilis est: dysentericis, coeliacisque prodest, inspersa, polenta vice, farina: datur quoque in pulte. At cortices in vino mulso decocti, si terni inde cyathi bibantur, magis efficaces sunt.

Facit ad aurium dolores, quod in earum medio viride spectatur, gustu amarum, si tritum & cum rosaceo coctum instilletur.

Cornelius Celsus Ægyptiae Fabæ amarum cum Rosis contritum, oculorum cum dolore inflammationibus adhibet.

De Dolichosue Phascolo. C A P. VI.

DO L I C H V S caules profert tenues, longos, ramosos, perticis ac vicinis fruticibus sese circumvoluentes: folia per interualla Hederae foliis maiora, asperioraque tria vni pediculo herentia: flores ex omnibus aliis erumpunt numerosi, candidi, lutei, pallidi aut rubentes, Eruiliæ similes: siliquæ deorsum pendent longæ, rotundis latiores, extrema parte in paruum veluti vnguiculum desinentes, in quibus continentur semina septem, octo, aut nouem, oblonga, in latitudinem compressa, paruis repibus, ac maioribus vulgaribus Bœnis siue Fafelis similia, sed minora, colore luteo, nigro, rubente, aut vario, sapenumerò etiam candido, qui & reliquis paulò longiores sunt, & rerum formam presiū referunt: radices subsunt multæ, longæ ac duræ.

Facile ac citè Dolichus assurgit, ac in longitudinem maximam excrescit, longis pedamentis propè affixis, aut iuxta topiarias ac perticales scenas satus, quas iis sese circumvoluens adumbrat: alias humi procumbit, tarde germinat, difficulter fructificat, vitiosus ac æruginosus, ut Theophrastus ait, redditur.

Seritur

Dolichus sive Phaseolus.

Phaseolus peregrinus.



Seritur Vere, fructus sub fine in æstatis maturæscit.

Hippocrates, Diocles, Theophrastus & plerique alij, δόλιχον appellant; nonnulli à siliquarum magnitudine λόγον ac λόγιον, Latinè Siliquam: à Dioscoride σιλικάζηται nominatur, quod Smilacis similitudine concendat, & vicina adminicula aut frutices apprehendat. Ab aliis φασίολος dicitur voce diminutiua à φασήλῳ, cui fructum, ut diximus, similem, sed minorem gignit.

Neque enim, ut quidam existimant, φάσπλος ac φαστέολος idem sunt legumen diuersis nominibus appellatum, sed fructus diuersi ac differentes, veluti Galenus lib. I. De aliment. facult. satis ostendit, ubi de vtroque agit. Nam primum quidem de Phaselis & Ochris, deinde poste à aliis interpositis, de Dolicho, qui & Phaseolus, disputat: & licet videatur addubitare, quale legumen sit à Theophrasto Dolichus appellatus; tamen Dolichum colligit ac resolutum, fructum esse in Italia quidem hortensis plantæ; in Caria verò, in agris nascentis, qui formam habeat Lathyris longiore, ac vulgo sua ætate Faseolus nominabatur.

Huic accedit Paulus Ægineta, de Phaselo & Phaseolo, quem Dolichum nominant, ut diuersis, eodem cap. tractans, lib. videlicet primo cap. LXXXIX.

Iam & Faselus Italiæ quidem ac Rōmæ vulgare olim fuit legumen, Dolichus verò peregrinum. Nam sationis Faseli, Columella & Palladius rei rusticæ scriptores meminerunt, & vilem eum Virgilius appellat Georgicon I.

Si verò Viciamq; seres vilémque Faselum.

De satione verò Dolichi nemo Latinorum scripsit, utpote qui in Italia rarus fuerit, atque in hortis tantum fatus, veluti Galenus innuit, eum subinde plantam hortensem nominans, ac in Caria, ut diximus, seri referens: & similiter Dios. σιλικάζηται, id est, Smilacem hortensem eum nuncupans, quod videlicet in hortis seratur. Qui etiam seorsim, separato ac alio capite hanc perstringens, aliam ac differentem Smilacem hortensem sive Dolichum à Fasculo esse, quem Phasiolum nuncupat: eidenter commonstrat.

Quas ob rationes dubium esse nequit, Faselum trium syllabarum à Faseolo quadrissyllabo diuersum esse; non minus quam Cicer, Cicercula, & Cicera differunt, quæ tamen nomenclaturis affinia sunt: ac à veritate recessisse eos, qui vnum legumen diuersimodè appellatum esse existimant.

At Dolichi, ut Hippocrates tradit, magis Pisum per aluum secedunt, minus inflant, & probè alunt, & non minus quam Pisa, auctore Diocle, nutriunt, præterea flatu similiter carent: quod verò ad suavitatem ac deiectionem pertinet, vincuntur.

Dioscoridus locus superbus. Siliqua, uti Dioscorides ait, cum seminibus cocta oleris loco, veluti Asparagus estur, vrinam cit, & tumultuosa somnia facit: quod tamen postremum, perperam à nonnullis adiectum existimatur, ac ex capite De Smilace laevi, huc ab imperitis translatum.


2. Est verò & alias Dolichus, minor, breuior, siliquis minoribus, cuius flores & fructus forma Dolichis similes, sed multò minores. Sunt hi fortè Fasoli illi quos Alexander Trallianus libro vii. φασιόλαις μικρούς, & lib. xi. Fasolos Alexandrinos nominat, si modò non per Fasolum paruum, Dolichus veniat intelligendus, quod verisimillimum videtur: Dolichus enim, ut diximus, Faselo minor est.

3. Iam præter hos & alias quidam extat peregrinus Faseolus, perticis & vicinis adminiculis sese quoque circumvoluens, cui terna ab uno pediculo folia etiam dependent, veluti Faseolis, sed singula angustiora multò, ac similiter nigriora: siliquæ breuiores, planiores ac magis compressæ, pauciores fructus continent.

De Piso maiore.

C A P . V I I .

Pisum maius.



Pisi maioris alia icon.



P I S U M quod Maius vulgò dicitur, caules habet longos, fistulosos, fragiles, ex candore viventes, ramosos, humili sparsos, nisi propè appositis adminiculis sustineatur: folium frequens, amplum & longum, ex multis rotundis laevis ac candidis, vni costæ adnatis, & ex aduerso sitis, compositum, extrema parte in claviculas ac capitulo desinit, quibus iuxta assistentibus adminiculis sese implicat: flos candidus, circa umbilicum purpuream notam habet: siliquæ longæ sunt, teretes cylindri figura, in quibus grana continentur, Ochris, id est, minoribus Pisum, maiora, que reficata angulosa sunt, inæqualesque angulos habent: colore alias candido, alias sordido: radices sublunt paruae.

In Germania ac Belgio subinde in hortis seritur: serendum autem Vere, sicuti & leguminæ alia, cum quibus etiam æstate perficitur. Cæli statu calido felicius prouenit: frigoribus, præfertim quando floret, facile offenditur.

Nostræ vulgæ noomsche Erwten, & Groote Erwten/ aut Stock Erwten appellant, ac Latinè Pisum

sum Romanum aut maius, Theophrastus & alij veteres, Græcè πίσον, Latinè Pisum nominarunt. Plerique etiam λεκυθός, sed parum propriè nuncupant. Lecythus siquidem non peculiare aliquod legumen aut frugis genus, sed pulmentarium rex leguminum farinis, ut Galenus lib. De Euchymia & Cacochymia testatur: Εὐρωπαίον appello, inquit, pulticulam, quæ Εὐρωπαία. ex fractis leguminibus sit: λεκυθός verò ex molitorum farina, in aqua cum aliquo pingui decocta.

Pisum autem, veluti Hippocrates tradit, minus Fabis inflat, per aluum autem magis secedit. Galenus, Piso cum Fabis tota substantia quamdam habent, inquit, similitudinem, eodemque cum Fabis modo sumuntur. His duabus tamen rebus ab eis discrepant, tum quod non æquè ac Fabæ sunt flatulenta, tum etiam quod detergendi facultatem non habent: ideoque segnius quam illæ per aluum secedunt.

De Piso minore, sive Ochro aut Ernilia.

C A P. VIII.

Pisum minus.



PISUM minus, siue ut Græci ὄχρος, caule inani, foliis, capreolis, siliquisque maiori Pisum simile est, singulis tamen minoribus: flores habet ut plurimum candidos, aliquando tamen ex purpura obscuros: siliquas quoque cylindri figura, rotundas ac longas, in quibus semina nascuntur octo, nouem, aut decem rotunda, Pisum minora, colore ut plurimum luteo, subinde virenti.

In hortis & agris prouenit; & quod quidem in hortis, maius est, ac nisi prope affixis admiculis ac pedamentis sustentetur, exiguum fructum eumque serius reddit. Quod verò in agris seritur, amplum vagumque humi spargitur, ac absque vallis, quibus incumbat aut fulciantur adiutoriis, fructum perficit, vberiore tamen loco aprico, & cali statu calido siccoque; nam viginosis parum proficit, & veluti Pisum frigoribus quoque citò offenditur.

Seritur autem Vere: Iulio mense ad matritatem peruenit.


Germani Erbsen: nostri Erwten: Gallis des Pois appellant, Græci ὄχρος, à luteo videlicet ochreæ colore; quem interior fructus medulla refert: Plinius & alij Latini auctores Eruiliam, recentiores ac Officinae passim Pisum, & Pisum minus nominant: propter eam nempe, quam cum Piso, & caulis, & foliorum, & siliquarum similitudinem gerit, licet tamen fructus rotundus, & non angulosus sit, quale, Plinio teste, Pisum est.

Facultate autem & viribus Pisum istud Fafelo simile est, nullam effectricem qualitatem insignem habet, & medium quodammodo locum obtinet inter ea, quæ boni ac praui sunt succi, multum ac parùm nutrunt, facile ac difficulter concoquuntur, tardè & citò descendunt, flatulenta sunt ac fatus expertia, veluti Galenus lib. De aliment. facult. de his & Fafelis scriptum reliquit.

De Eruilia, sive Ochro silvestri. C A P. IX.

SILVESTRIS Eruilia caules promit angulosos, Lathyri quodammodo similes, sed latiores, infirmos atque humi procumbentes, ex quibus per interualla folia exoriuntur longa, lata, in capreolos desinentia, & inferius quidem singularia, altius verò in plura parua foliolæ diuisa: flores candidi sunt, siliquæ Lathyri similes, minores, in quibus rotunda semina Eruiliis minora ac duriora, colore sublutea, aut nigra, sapore subinde amara: radix, ut aliorum leguminum, fibrosa est: caules foliaque Pisum, Ochrum, ac Lathyrum colore referunt.

Eruilia silvestris.



Lathyrus siue Cicercula.



Rarum quidem & peregrinum legumen, quodque à studiois herbarum stirpiumque tantum, ac raro quidem in hortis seritur.

Eruiliam siue Ochron silvestrem appellauimus, alio destituti nomine, propter eam quam fructus cum Eruilia similitudinem habet.

Multum autem à veritate recessit, qui legumen istud Aracum, & quidem nigrum fecit: fructus etenim tametsi quandoque, non tamen semper niger est. Aracus siquidem, Galeno teste, Lathyro similis est, angulosus videlicet, sed tamen minor ac durior: istius autem fructus, ut diximus, rotundus est. Plus autem huic similitudinis cum legitimo Eruo est, ut inferius cap. xvii. latius ostenditur.

De Lathyro siue Cicercula.

C A P . X.

LATHYRVS caules habet complures angulosos, vtrime in membranosa latitudinem extensos, vagos, humili procumbentes: folia è caulinis geniculis exerunt glabra, angusta, in mucronem desinentia, bina vni inflexionis pediculo, inter quæ medius hæret capreolus, intortus, quo adminicula propè assistentia, ac propriis etiam caulinis apprehendit: flores candidi sunt: siliquæ Eruiliæ siliquis minores, non cylindraceæ, sed latæ atque compressæ, colore similes; fructus in his gignuntur angulosi, foris candidi, intus lutei, sapore Eruiliæ: radix tenuis & fibrosa.

Rarum Belgio legumen, quodque in hortis tantum colitur, & eorum quidem, quos varietas stirpium delectat: vna cum aliis leguminibus & seritur, & colligitur.

Græci λαθυρον, Latini Cicerculam nominant.

Substantiam Ochris & Faseli assimilem, ut Galenus scribit, habet, crassiore tamen, obque eam ipsam cauillam plus aliquanto quam illa nutriunt.

De Araco, siue Cicera.

C A P . XI.

SIMILIS Lathyro Aracus est, caule enim foliisque eum omnino refert: flores habet ex rubra purpura in puniceum inclinantes, siliquas paulò minores: atque in his grana angulosa quoque & Lathyris similia, sed minora durioraque, minusque compressa, colore obsoleta, nigroque proxima.

Rarum & hoc etiam legumen, quod neque

Aracis sive Cicera.



Lathyrus silvestris.



que ab aliis quām rei herbariæ studiosis seritur.

Galenus lib. De aliment. facult. *degnav* appellari scribit, & posteriorem nominis syllabam, per χ , in Aristophanis Holcadibus, notatam inueniri, ad differentiam videlicet alterius Arachi, per χ , qui cerealium frugum vitium est. Latini Ciceram nominant, quod videlicet Cicerulæ similitudinem habeat, atque solo potissimum colore ab eo diffideat. Cicera, inquit Columella, sapore nihil à Cicercula differt, colore tantum discernitur, nam est obsoletior & nigro propior. Item Palladius in Martio: Nunc Cicer seritur, quæ distat à Cicercula solo colore, quo fordan & nigror est.

Vsus omnis Araci & facultas, inquit Galenus, Lathyri facultati est assimilis, nisi quod Araci sint duriores, minusque facile elixantur: quæ caussa etiam est, cur Cicerculis concoctu sint difficiliores.

Est porro & alias Araci, flore fructuque candidis, ceterum magnitudine, & forma seminis, reliquisque omnibus priori similis, quem non Aracum, sed Lathyrum minorem esse, forte quis dixerit.

De Lathyro silvestri. CAP. XII.

CVM Lathyro & Araco similitudinem magnam silvestre quoddam legumen habet, quod plerisque Germaniae ac Brabantiae locis sua sponte exit. Caules id promit, folia, capreolosque Lathyri longiores maioresque, flores Araci colore, filiquas deinde paruas, & angustas, in quibus semina parua, rotunda, duraque continentur, Cracca sive Aracho rotundo similia: radix huius magna, crassa, dura, lignosa ac diuturna, singulis regerminat annis.

Læto pinguique agro, circa eorumdem margines, prope sepes, dumos ac senticeta enascitur, quæ capreolis suis apprehendens concentrit ac superat.


Silvestrem Lathyrum, aliud eius nomen ignorantes, nuncupauimus: neque enim, ut plerique aliquando perperam crediderunt, Eruum est. Eruum enim non viu iradicem constat, sed veluti alia legumina, singulis annis seritur, & fruticosum, sive, ut Theophrastus ait, *πλαγιόχελον* est, sponteque sua assurgit: istud autem inualidum & *βαπτιζόμενον*, per terram spargitur, nisi propè nascentibus fulciatur.

De Mocho, sive Cicere satiuo.

CAP. XIII.

EGVMEN quod ab Italibz *Mochus* sive *Mocho* appellatur, caulem habet duriusculum, non quidem erectum, nec tamen procumbentem, sed in latus vergentem, *πλαγιόχελον* siquidem (ut huiusmodi legumina Theophrastus nominat) est: folia Lentis similitudine ex par-

Mochus siue Cicer satium.



uulis & angustis compluribus, vni pediculo, siue coste aut pax vtrimeque adnatis, & sibi inuicem oppositis, componuntur: flores exiguë sunt, tubcandidi; post quos parua, oblongæ, torosæ, à seminibus interseptæ siliquæ sequuntur, in quibus terna quaternâve semina, plurima quidem parte rotunda, sed uno eminente angulo, arietinis Ciceribus quodammodo similia, sed multò, atque ipsis etiam Eruuiis minora, gustui non insuauia, sed Eruilæ haud multum absimilia: radicibus firmatur tenuibus.

Nascitur Hispaniæ & Italiæ compluribus locis: in Germania verò ac Belgio non nisi in hortis, & à paucis seritur.

Dioscorides legumen istud ἡπέλινθος, id est, satium Cicer appellat. Theophrastus Cicer magnitudine ab Arietino differens ἡεγέλαιος nominat, ab Orobio videlicet aliqua similitudine.

Plinius verò, Columbinum ac Venereum: Ciceris differentiæ, inquit, plures sunt, magnitudine, figura, colore, sapore. Est enim Arietino capiti simile, unde ita appellatur, candidum & nigrum: est & Columbiaum, quod alij Venereum vocant, candidum & rotundum, lœue, Arietino minus, quod religio perugiliis adhibet. Deinde mox: Dulcisimum, quod Eruo simillimum.

Officinis legumen istud incognitum est:

Itali Mocho, vti scripsimus: Hispani Yeruo, & Yernos, quali Eruum appellant, non, vt verisimile videtur, antiqua nuncupatione, sed à quibusdam medicis aut pharmacopœis recens introducta. nam Mochum hunc multi ex recentioribus ἡεγέλαιος siue Eruum esse existimant. Sed hi, nostra quidem opinione & aliorum rectè iudicantium sententia, à veritate non parum recesserunt. Mochus siquidem folia non habet angusta, verùm Lentis modo alata, mihi singularia, ex quibus totius folij compositio est: ad quæ foliorum angustia non videtur referenda. Nulla præterea gustabilis qualitas euidenter amara aut ingrata ei inest, unde & cum Eruo nequaquam conuenire potest.

Eruum enim σεύφυλλον, siue angustofolium est, & vt Galenus ait, gustu insuauissimum, ac prœi succi, & ab eo quidem homines abstinent, boues verò in aqua dulcoratum pascuntur.

Porrò Cicer satium alio, Dioscorides ait, idoneum est, vrinam cit, inflationem parit, colorē bonum facit, menses ac foetus pellit, lac auget. Cum Eruo decoctum imponitur ad testium inflammations & myrmecias, ad scabiem, vlcera capitis manantia, impetigines, λειχήματα, vocant, carcinomata, & vlcera quæ cacoëthie dicuntur, cū melle & Hordeo prodeat.


De Cicere Arietino. CAP. X I I I.

ARINETINUM Cicer, caules profert tenues, lignosos, ramosos, modicè hirsutos, in latus declinantes: folia ex pluribus vni pediculo siue pax vtrimeque adnatis, & sibi inuicem oppositis congesta, quorum singularia parua sunt, lata ac in ambitu crenata, Teucrij foliis minora: flores parui sunt, colore aut candidi, aut ex purpura rubescentes, quibus succedunt singulæ paruae brevesque siliquæ, vtriculorum modo ac veluti à flatu distentæ, in quibus duo, aut ad summum tria clauduntur semina angulosa, turbinata, unoque acuto angulo prædita, Arietino capiti non admodum dissimilia, colore aut candida, aut ex subrubente purpura nigra, quæ germinationis principium haud obscurum ostendunt: radice nititur gracili, candida longaque; vt enim Theophrastus ait, radicem inter legumina altissimam Cicer agit.

In Italia, Hispania, & Gallia passim in agris seritur: perutilis eiique familiaris est falsilago. Natura enim eius, vt Theophrastus tradit, est cum saltilagine nasci, ideoque solum vrit, & non nisi madefactum pridie, Plinio auctore, seri debet.

Græcis

Cicer Arietinum.



Cicer silvestre primum.



Græcis ἐπίκενθος κεῖσ, Latinis Cicer arietinum dicitur, & colore quidem ex purpura subnigrum, Cicer nigrum, Officinis rubrum Cicer: alterum verò candidum, siue album appellatur.

Cicer autem edulium est, Galenus libro De aliment. facult. scribit, non minus quam Faba flatulentum, sed valentiùs nutrit quam illa. Ad Venerem autem incitat, creditumque est, semen quoque generare; vnde quidam equis admissariis ipsum exhibent. Inest præterea Ciceribus facultas abstergendi maior quam Fabis, adeo ut quidam ex ipsis calculos in renibus constantes manifestè comminuant, nigra autem sunt ea & exigua, Arietinaque ipsa nuncupant. Satius autem est, succum ipsorum in aqua coctorum bibere.

Dioscorides, Arietinum utrumque, inquit, vrinas eit, dato cū Rore marino, hydropticis aut regio morbo laborantibus eorum decocto: laddunt autem ea exulceratam vesicam & renes.

De silvestri Cicere. C A P. xv.

CICER silvestre satiuo simile est, Dioscorides ait, odore acri, sed semine discrepat. Recentiores aliquot filuestria Cicera proponunt.

Vnum caulinulos promit complures, ramos, humi decumbentes; circa quos folia ex pluribus ad unam costam commissa, veluti Arietini

Cicer silvestre tertium.



Ciceris,

Ciceris, sed ambitu haud crenata, Securidacæ foliis id circò similiora: flores in pediculis iuxta caulinos exaeuntibus, è luteo pallentes, spicato ordine prodeunt: succedunt folliculi exigui, Arietini Ciceris fructus figura & magnitudine, nigri & non nihil hirsuti; in quibus semé exiguum durum, planum, splendens, gusto Phaseoli: radix satis alte dimittitur, fibris aliquot firmata.

Herbois & incultis prodit tractibus, & nō modò in Italia aut Gallia, sed & apud Bohemos. Aestiu mensibus semina perficit.

2. Alterum silvestre Cicer caulinos quoque complures habet per terram iacentes, circa quos folia mollia, subhirsuta, candicantia, ex tribus aut quinque ferè ad vnam costam commissis composita; quorum minima, quæ ad pediculum, maximum vera extremum: flores ex annexu foliorum exaeunt lutei plures simul, sequuntur folliculi oblongi, molles, & hirsuti, in quorum singulis siliqua parua, in qua duo grana Arachis similia.

3. Tertium silvestre Cicer & ramosum, caulinos verò spargit cubitales aut longiores; circa quos terrena folia, Trifolij modo, majora, crassiora latioraque quam singularia Arietini Ciceris, ambitu tamen crenata: siliqua breuis est: semina in his compressa, multò Ciceribus minoria: radix restibilis singulis annis promit germina.

In Heluetiorum & Allobrogum, quos Sabaudos vocant, finibus reperiit P. Pena & M. Lobelius auctores sunt.

Cicer silvestre non aliud apud Græcos quam *άγειον επιβίστον* noinen habet: à recentioribus verò nullum inuenit.


Ex illis verò, quæ pro silvestri Cicere ab his ostenduntur, quod primo loco descriptum, magis quam reliqua, cum silvestri Cicere conuenire nobis videtur.

Ceterū Cicer silvestre, ut Dioscorides ait, idem quod satiū præstat. Galenus verò agreste Cicer ad omnia efficacius satiū ait; & eò tū calidius, tum siccius, quāto & acrius & amarius.

De Lente.

CAP. XVI.

Lens.



Lens minor.



LENIS tenuibus exit caulinis, duriusculis ac obliquis foliolis, ab utraque medij pediculi parte, multis & angustis, Viciæ similibus, sed angustioribus & minoribus: flores exigui sunt, colore purpurascentes: siliquæ paruae, latæ; semina in his, tria, aut quatuor, parua, rotunda, plana, compressaque: radicibus firmatur paruis.

Solum

Solum amat tenuem, celiique temperiem sicciam.

Græcis φακός ή φακή, Latinis Lens & Lenticula, Germanis Einsten / Gallis Lentille, Italis Lentichia nominatur: Hispanis Lenteia & Lentillas.

Tenent autem Lentes, ut Galenus ait, medium caliditatis & frigiditatis, desiccant tamen secundo ordine, corticem habent adstringentem, & quæ ipsorum est veluti caro, crassi est succi, ac terrei, austera qualitatem habens exiguum, cuius cortex multæ est particeps. Succus portò in ipsis est, adstringenti contrarius: quocircà si quis in aqua ipsis coixerit, & deinde aquam sale & garo, aut cum ipsis oleo condiens sumpserit, potus is aluum deiicit. At ex biscoctis Lentibus, Lens apparata, facultatem habet succo contrariam, ut quæ ventris fluxus siccet, stomachum, intestina, & totum denique ventrem corroboret: quam ob rem cœlicis & dysentericis, cibus est accommodus.

Lens verò decorticata, ut illam adstringendi vehementiam, & ea quæ ipsam consequuntur, amittit, ita magis nutrit, quām quæ cortice spoliata non est; succum crassum prauum quæ gignit: tardeque combeat; non tamen alui fluxus desiccatur, vt ea cui cortex non est ademptus. Ture igitur, qui largius hoc edulio vtuntur, elephantiasin, & cancros incurunt: siquidem crassa sicca quæ cibaria, succo melancholico generando sunt idonea. Quare iis dumtaxat, quibus aqua in carnibus est *ηαχεζια*, Lens in cibo vtilater p̄abetur: aridis verò & squalentibus admodum damnosè. Eamdem ob caussam visum integrum & inculpatum hebetat, ipsum immoderatè exsiccans: ei verò, qui contrario modo se habet, confert. Ad menstruas autem purgationes non est accommoda; crassum enim & tardissimum sanguinem reddit: at muliebri profluvio est vtilissima, vt Galenus in lib. De aliment. facult.

Somnia tumultuosa (vt Dioscorides præter hæc scribit) excitat, capiti, neruis, & pulmoni inutilis. Contra alui fluxiones, melius suo fungitur officio, addito cum aceto, Intybo, aut Portulaca, aut Beta nigra, aut Myrti baccis, aut putamine Punici, aut Rosis aridis, aut Mespilis, aut Sorbis, aut Pyris Thebanis, aut Malis Cotoneis, aut Cichorio, aut Arnoglosso, aut Gallis integris, quæ post decoctionem abiiciuntur, aut Rhoë, quæ obsoniis insperguntur: verūm acetum; cum eo diligenter percoqui debet, alias aluum cōturbat. Contra subversionem stomachi triginta grana Lentis decorticata, deuorari proderit; decocta cum polenta, & illita podagras lenit, sinus cum melle glutinat, crustas rumpit, vlcera purgat; decocta in aceto duritas & strumas discutit; cum Cotoneo Malo aut Melilotto medetur inflammationibus oculorum, sedisque, addito rosaceo: verūm in maioribus sedis inflammationibus & magnis sinibus, cum putamine Mali Punici, ac fiscis Rosis adiecto melle decoquitur: & similiter ad nomas gangrænicas, adiecta maris aqua: pustulis item & herpetibus, ac erysipelatis, pernionibusque, vt dictum est. contra mammas verò, in quibus lac in grumos coit, & quæ lactis nimiam redundantiam non ferunt, cocta in aqua maris, & impolita auxiliatur.

De Eruo, ex Theophrasto & aliis. C A P. XVII.

ERVM ex leguminibus est, quorum in latus caulis tendit, ut Theophrastus ait, siue, ut Dioscorides, trutex parvus est, tenuis, angustis foliis: floris eius productio diuturnissima est, veluti Ciceris: *απρωδία*, id est, exigua semina, in siliquis cylindraceis se inuicem continent, Arachis, Galeno teste, maiora; Æthiopidis verò, Dorycnij, ac Lithospermi similia; Lathyridis autem, auctore Dioscoride, minora, sapore insuauissima: quæ sapore & colore differentiam obtinent, & dulciora quidem, ac minus medicamentosa candida sunt iis, quæ ad fluitiem, siue *ῥάστης*, aut ad Ochræ colorem accedunt.

Lætatur solo, ait Columella, macro; maturè ac serò seritur, sed si Vere seratur, facile gratumque exit, non graue, veluti Autumno satum. Seritur inter Brassicas, contra papiliones.

Græci ὥεγχον nominant: Officinæ Germaniæ Orobi nomen retinuerunt, rem autem ignorantes, pro eo Viciam perperam substituerunt.

Neotericorum plerique Eruum esse existimant, quod ab Italis *Mocho* nominatur, verūm quām parum cum Eruo conueniat, cùm ex capite de Mocho siue Cicere satiuo, tum ex praesente Erui descriptione, facile animaduerti potest.

Eruo similius videtur silvestre quoddam legumen, quod subsecente capite pro Eruo siluestri descriptum est, quamquam nec ipsum verum aut legitimū sit. Nam *τεύφυλλον* quidem est, ac *πλαγιόκαυλον*, siliqua que habet cylindraceas, & forma modoque loquendi Dioscoridis, oportuniſſimè *θάμνον* ipsum quis dixerit, nullis enim pedamentis, aut propè afflentibus adminiculis eget, sponteque sua erigitur, & in altum assurgit, cuiusmodi stirpes Dioscoridem *θάμνος ή θαμνός* aliquando appellare, *πλαγιόβατος* abundè ostendit, quod *θαμνός*. ipse *θάμνος* facit, non alia de caussa, quām quod ab humo sursum sp̄ote sua assurgat. Sed cùm semen proferat Aracho non maius, & durum, sapore non amarum, non ingratum, pro verò

Eruo

Eruo haberi non potest, nisi forte & paruum quoddam Eruum sit, quod in has inferioris ac maritimæ Germaniae regiones translatu, insuauitatem suā deponat, quod verisimile non est.

Accedere verò ad Erui descriptionem & legumen illud appetet, quod Cap. ix. huius libri Eruilæ siluestris nomine descriptum est. folia liquidem eius oblonga sunt, quæ nonnullorum comparatione angusta dici possunt: fructus rotundi, Arachis maiores, Lithospermum seminibus magnitudine haud dissimiles; colore sublutei, quandoq; nigri; sapore veluti Eruum amari; minùs tamen qui albiant quām nigricantes. Quæ huius leguminis cum Eruo (si non idem) affinitatem maximam ostendunt; & tantam quidem ut pro Erui succedaneo citra errorem haberi queat, atque omnibus medicamentis eius loco adhiberi: repugnantibus licet siliquis non omnino cylindri modo teretibus: quales Eruo Theophractus tribuit. Quæ si tales, exiguum Erui descriptioni repugnans aedeset: nunc verò ad Lathyri accedentes, scrupulum iniiciunt. Velut quoque & ipla stirps non *τρυπιόν*, vt Dios. ait, hoc est fruticis in modum assurgentibus, sed humi, nisi pedamentis sustineatur, procumbens. Quod & siluestrem Eruilam ab Eruo differentem facit.

Ceterū ab Eruo, vt Galenus lib. 1. De aliment. facult. tradit, homines prorsus abstinent, est enim insuauissimum & prauī fucci; boues verò tum in Asia, tum apud alias plerasque gentes in aqua dulcoratum paucuntur. In magna tamen fame, quemadmodum Hippocrates quoque scripsit, necessitate coacti ad ipsum nonnumquam accedunt. Nos verò ad eundem modum, quo Lupinos, præparantes, Orobis cum melle utimur, ceu medicamentis crassos thoracis ac pulmonis humores expurgantibus.

Porrò inter Orobos, albi minùs sunt medicamentosi iis, qui ad flauitatem aut ochræ colorem accedunt. Qui verò cocti bis fuerint, & in aqua idem tamen dulcorati, insuauitatem quidem deponunt, sed vñā cum ea abitergendi etiam & incidendi facultatem, ut sola in eo relinquatur terrestris substantia, quæ alimentum fit: quod citra insignem amarorem, desiccandi vim habet.

In libris verò De simplic. medicament. facult. desiccata, ait, Orobis excessu secundo intensio, calcifacit verò primo: porrò quatenus amaritudinis est particeps, eatenus incidit, extergit, obstruktiones expedit: ceterum si sumatur copiose, sanguinem per vrinas euocat.

Dioscorides, capitis, inquit, Eruum grauitatem efficit: aluum esu turbat, & sanguinem per vrinam extrahit: elixo tamen boues laginantur apposito.

Fit e seminibus farina, quām ὄγκον ἀλεύη, id est, farinam Eruinam nominant, ad medendi vius conueniens.

Parandæ eius ratio hæc est: Vberiora grana candidaque diliguntur, permiscendoq; aqua respurguntur, & donec sufficenter combiberint, sinuntur, postea torrentur, usque dum cortex disrumpatur, deinde mola trita, farinario cribro incernuntur, farinaque reconditur.

Hæc alio utile est: vrinam cit: meliorem colorem efficit: frequenter in cibo aut potu sanguinem cum torminibus per aluum, & vesicam dicit: vlcera cum melle purgat, lentigines, item, ephelidas & maculas, quas στίλως vocant, totumq; corpus emundat: nomas, στιληγματα, & gangrenas serpere non patitur: mammarum durities emollit: vlcera fera, quæ θηλεόδη vocant, carbunculos, fauosq; emarginat ac rumpit: cum vino subiecta morsibus canū, hominum, viperarumq; illita medetur, vrinæ difficultates, tormina, tenesmosque ex aceto mitigat. Prodebet etiam iis, qui alimentum à cibo non sentiunt, frixa & ad nucis magnitudinem melle excepta sumptaque. Decoctum eius fouendo, perniones & pruritus in toto corpore sanat.

De Eruo silvestri sive Catanance prima.

CAP. XVIII.

SILVESTRE istud à nobis nuncupatum Eruum, caulinulos profert pedales aut longiores, rotundos, erectos, nonnihil ad latus inclinantes, in exiguo quoddam ramulculos diuisos: folia tenuia, oblonga, angusta, graminis foliis multo & minora & angustiora: flores tenuibus pediculis, ex foliorum alarumque finibus exortis hærent, parui, luteoli: siliquæ deinde suboriuntur paruulae, forma oblonga, tereti & angusta, in quibus semina nouem aut decem vel plura, rotunda, dura, nigra, splendentia, Arachis aut exiguis Eruis similia, gustu non insuavia.

Floret magna æstatis parte, ex orientibus subinde nouis, prioribus marcescentibus flosculis. Nascitur sua sponte plerisque in aruis, & iuxta scrobes tollasque; reperitur etiam locis quibusdam non procul à mari, quod siliquas non rotundas, sed latiusculas progignere fertur. Herbarum studiolii subinde apud Belgas in hortis ferunt.

Siluestre quoddam Eruum videtur; cum descriptione enim eius, excepto solo semine, ut superiore capite diximus, conuenit. Videtur etiam Dioscorides prima Catanance, tametsi etiam semen non in capitulis, sed in siliquis terat. κεφαλαὶ etenim in quibus semen hanc Cata-

Eruum filuestre.



Lupinus satius.



Catanancen ferre Dioscorides scribit, nō capitula, sed siliquas hoc loco interpretari debere, quod cū eo cōiungitur, ostendit: nā Catanancen οφαλάς veluti Orobū habere, Dioscorides ait: at Orobos non capitula gerit, sed siliquas.

Verba autem Dioscoridis de priore Cata-
nance hæc, in veteri exemplari, sunt: H' μὴ τις
ἀντῆς ἔχει φύλλα μονεψ, οἳς πορεύοντος, ρίζαις
λεπτην, χονωδη, οφαλάς δὲ ὀφεγέος, τὸν ζεῖον
καρπὸς ὄμοιος ὁσθών κάμπτεται δὲ ξηραινόμενος
ἕπει τινα γλυκινα, οὐκτίνη οὐκέπομπεται τελεσθεν. id est,
Una quidem folia habet longa ut Coronopus:
radicem tenuem, iunceam, siliquas veluti Er-
uum senas septenasve, in quibus semen Eruo
simile: arefcens in terram flecitur, & se con-
trahit ad speciem vnguum milui exanimati.

Plinius Catanancen Thessalam herbam, qualis sit, superuacuum scribi ait, cūm sit eius usus ad amatoria tantum, ad quæ etiam sola cūm hæc, tum altera à Dioscoride utilis traditur. Vtramque, inquit, narrant in amatoria ex-
peti: Theſſalicæ mulieres his vti traduntur.

At Erui istius filueſtris nullus omnino est usus.

De Lupinis, ac primū de Satiuo. C A P. XIX.

INTE R Lupinos hi satiui, alij filueſtres sunt. Satiuus Lupinus caule affurgit singulare, rotundo, interius concauo, exteriū modice lanuginoso, firmo, & qui absque adminiculis rectus consistit; è quo, postquam primi marcidi facti sunt, flores in huius fastigio eminentes, alij tres ramuli infra spicam florum prodeunt, quorum singuli non raro & alios quoque, modò binos, alias ternos eodem proferunt modo; præſertim si tempeſtiuè Lupinus satus, æstatem calidam diuturnamque nauctus fuerit: folia ex quinque, sex, aut ſeptem cohærentibus cōponuntur, Viticis similia, ſuperiore parte virent, inferiore verò cädida & lanuginofa, & ſub veſperā circa Solis occafum, veluti flaccida facta, deorsum depéndent. Flores in ſummo caulinorum ſpicatim digesti candidi ſunt: ſuccedunt ſiliquæ crassæ, latæ, Bœnæ ſive Fafeli minores, duræ, ſubflauæ, foris tenuiter hirsute, intus verò glabræ, in quibus ſemina quina ſenave, plana, rotuda, ac veluti cōpreſſa, foris alba, intus lutea, ſapore amarissima, quæ & germinationis prin-
cipium haud obſcurū, & qua parte ſiliquæ ad-
hērent, concavitatem quamdam, veluti exiguum vmbilicū habent: radice Lupinus nititur ſinguli-
lari, tenui, lignoſa, paucis capillamētis fibrata.

Poscit, inquit Theophrastus, ſolum areno-
ſum ac vitiolum, cultis ægrè prouenit, natura
ſua filueſtris.

Floret apud Germanos, primū quidem
ſub finem Maij, deinde Iunio aut initio Iulij
ſecundò, tertio verò Julio aut Auguſto mēſib⁹,
ſi anni tempeſtas calida ſiccaque fuerit. Fru-

y
ctus

ctus duo priores sèpè ad maturitatem perueniunt, tertius in inferiore Germania rariùs.

Græci hoc legumen Σέρμος ἡμερών: Latini Lupinum, & Lupinum satium nominant: Germani Feigboonen: Itali Lupino domesticò: Hispani Entramocos: Brabanti Vlyghboonen, & Lupinen: Galli Lupins.

Lupini semen πολυγενεύ, hoc est, frequentis multiq; usus est, Galenus in lib. De aliment. facult. ait: elixus enim, deinde in aqua dulci maceratus, tantisper donec in ea omnem sibi ingenitam exuerit insuavit atem, ita demum manditur cum garo aut oxygaro, vel etiam sine his, sale medioctri conditus. Lupini dura & terrestris est substantia: quocircà ipse concoctu sit difficilis, succumque crassum gignat est necesse, ex quo non probè in venis confecto, crudus propriè appellatus succus aceruatur. Ceterum cùm inter parandum quidquid habuit amaritudinis deponat, Tis, Διθιοις, id est, qualitatis quæ sensu deprehendatur expertibus, similis euadit, & ita præparatus; vt in lib. De medicam. simplic. ait, ex genere est emplasticorum.

At vbi nativa etiamnum manet amaritudo, extergendi digerendique vim obtinet: interficit lumbricos, tum illitus, tum addito melle linctus, tum ex posca epotus. Quin & decoctum eius lumbricos eiicere potest: tum eti à foris idemtide perfulum vitilinges, anchoras, exanthemata, psorias, gangrenas, vlcera maligna iuuat, partim extergendo, partim citra mordacitatem digerendo siccandoque. Expurgat iecur & lienem cum Ruta & Pipere suavitatis gratia assumptum: elicit menses, ac fœtum enicit, cum myrrha & melle impositum.

Porrò Lupinorū farina sine mordacitate digerit, nec enim huida fāntūm, sed & chœradas & phymata curat, sed tunc in aceto aut oxymelite aut posca coquatur oportet, idq; pro laborantiū temperamento & affectus diuersitate, quod ex usu est eligendo: digerit item & quæ luidā sunt, & quæcumq; modò diximus præstare posse decoctū, eadem omnia efficit & farina.

Decocti pluuiali aqua Lupini, Dioscorides præter hæc scribit, donec in cremorem lentescant, faciem abstergunt: medentur ouium scabiei, cum radice nigri Chameleonis, si tepente decocto abluantur.

Cit vrinam radix cum aqua cocta & pota.

Lupini vbi edulcati fuerint, triti cum aceto, poti stomachi fastidium leniunt, & cibi appetitiam excitant.

De Lupino silvestri. C A P. xx.

Lupinus silvestris.



SILVESTRIVM Lupinorum duo triáve sunt genera, vnum florem profert luteum, alia purpureum.

Luteus caule foliisque satiuo similis est, vtrisque tamen minoribus ac brevioribus, flores habet pulchros, luteos, suaueolentos, in spicā congestos, Violæ luteæ colore & quadam tenus odore: siliquas paruas, duras, aliquatenus hirsutas: semina parua, plana, rotunda, sapore amarissima, colore vario, ferdida, satius multò minora.

Purpurei, caules longiores procerioresque sunt quam lutei, & in plures alas ramosque diuisi: folia verò minora tenuioraque: flores parui ac luteis minores, ex purpura cœrulei, aut subrubentes: fructus colore similiter vario, amari, & inter omnes minimi.

Nascuntur silvestres Lupini plerisque locis sua sponte, verum apud Germanos non nisi sati proueniunt.

Florent eodem quo satiui tempore.

Amariores sunt, vt Galenus ait, & ad omnia valentiores quam satiui, eiusdem genere cum ipsis facultatis.

De Vicia. C A P. XXI.

VICIA tenues habet & quadrangulares caulinulos, tres ferè pedes altos: folia oblonga in clauiculas desinunt, ex pluribus vni costæ siue neruo adnatis compotita, quorum singu-

Vicia.



Sesamum.



singularia maiora, latiora, crassioraque sunt quam Lentis: flores Bonae siue Fafeli forma similes, sed colore ex purpura nigri: siliquæ latæ, exiguae, atque in singulis grana quina senave, non globosa, sed Lenticulae instar propemodum compressa, colore nigra, gustu insuauia.

Seritur quo cum solo, cultu facillimo.

Maio floret, fructum inde perficit.

Latinis Vicia, à vinciendo, ut Varroni placet, dicitur, quod item capreolos, inquit, habet ut Vitis, quibus sursum versus serpit, ad scapum Lupini, aliūmve calatum, ad quem ut hæreat, eum solet vincire. Galenus in Asia Pergami βίνιον: ab Atticis verò σάργην aut κύανον nominari ait. Germani Wicken, Brabanti Vitzen, Galli Vesce nominant: Officinæ pleræque perperam οὐρανόν ac Eruum: multum enim Eruum à Vicia differt.

Theophrastus lib. viii. Aphaces cuiusdam leguminis meminit, cuius siliquæ latæ, & fructus celeriter perit: hæc an cum Vicia nostra conueniat, considerandum est.

Porrò Viciam cum ipsis siliquis atque integra plana rustici reponunt, ut brutis pecudibus que sit pabulo. Per famem tamen noui, Galenus ait, qui hanc quoque comederint, potissimum Vere cum etiamnum viret, quemadmodum Fabas & Ciceris esitare consueuerunt. Est autem non insuavis modò, sed concoctu etiam difficilis, aluumque inhibet.

Per spiculum ergo est, quod cum natura fit huiusmodi, alimentum, quod ex ipsa distribuitur, habeat haudquam boni succi, sed crassum & ad succum melancholicum gignendum idoneum.

De Sesamo ex Theophrasto, Plinio, & aliis.

CAP. XXII.

SE SAMO caulis siue culmus est ferulaceus, altus, crassior multiplicitaque quam Milio: feminis ferax & fœcundum est, quod oleosum ac pingue & vasculis continetur, cädidumque, uti Plinius: Theophrastus, genus eius quoddam candidum, inquit, radice singulari cohæret. Viride Sesamum nullum mandit animal, propter amaritudinem & grauitatem saporis: sed siccatus, acceptior euadit frutex eius, & suave semen efficitur, ciboque idoneum.

Nascitur cum in Ægypto, tum in India. Ab Indis, Plinius ait, Sesama venit, ex eo oleum conficiunt.

Ex æstiuis sementibus est, & quæ ante Vergiliarum exortum, Plinio auctore, seruntur. Columella tamen, Sesama, scribit, ab æquinoctio autumnali serenda sunt, in Idus Octob.

Putre solum, quod Campani pullum vocat, plerumque desiderant: non deterius tamen etiam pinguibus arenis, vel congestitia humo proueniunt. Sed hoc quidem semen Ciliciæ Syriæ-

y 2 que

que regionibus ipse vidi mense Iunio & Iulio conscri, & per Autumnum cum permaturuerit tolli . Palladius in Septembri, Nunc Sesama, inquit, seritur, putri solo vel pinguibus arenis, vel terra congestitia.

Quadraginta diebus à flore, Plinius ait, maturatur, magna tamen celi terraque differentia. Molestissimum terrae Sesamum, plurimum eam posse extenuare putatur : diuturnum est: optimè reponitur, quia pingue.

Hanc frugem Græci σοσαυον, Latini quoque Sesamon ac Sisamum, nonnumquam femino genere, Sesamam nominant: Officinæ Germaniae incognitum est.

Semen eius, ut Galenus lib. De aliment. facult. ait, pingue est, ideoque repositum celerimè fit oleosum : quamobrem eos, qui ipso vescuntur, celeriter implet, stomachumque subuertit, ac tardè concoquitur, pingueque corpori præbet alimentum. Liquet ergo quod ventriculi partibus vigorem ac robur addere nequit, quemadmodum nec aliud quod pingue. Est autem crassi fucci, ideoque non properè peruadit. Ipso autem solo non admodum vescuntur, sed cum melle crudo, quas σοσαμίδες vocant effingentes. Panibus etiam inspergitur, temperamento est calidum, ob eamque cauſam sitim etiam excitat.

In libris vero De facult. simplic. Sesamon non parum in se continet, ait, viscosum & pingue, quare emplasticum est, & emolliens, ac modicè calidum. Eiusdem facultatis est, quod conficitur oleum, & herbæ quoque decoctum similem vim obtinet.

Dioscorides, Sesamum, scribit, itomacho aduersatur, oris graueolentiam facit, quoties inter mandendum commissuris dentium inhæsit : neruorum crassitiem impositum discutit, medetur aurium contusionibus, inflammationibus, ambustionibus, artuum doloribus, & cerasæ morsibus ; capitum dolores, qui ab æstuatione oriuntur, ex rosaceo lenit : eadem efficit herba decocta in vino, præsertim autem inflammationibus doloribusque oculorum prodest.

Ex ea fit oleum, quo Ægyptij vtuntur, quod auribus, Plinio teste, vtile est.

De Camelina, sive Theophrasti Erysimo, & Myagrio Dioscoridis.

CAPVT. XXIIII.

Camelina sive Myagtron.



descriptum,

cuius lib. De simplic. medicam. facult. vi. Galenus meminit, ab hoc Theophrasti

CAMELINA surculosa est herba, caule recto, rotundo, in alas diuiso, duos aut tres pedes longo : folia oblonga, angusta, in acutum desinunt, singularibus Rubiæ foliis haud dissimilia : flores secundum caulinulos exigui: semen orbiculatis vtriculis, Lini vasculis prope modum similibus, sed compressioribus continet, minutum Fœnogræco minus, pingue & oleosum.

Plerisque Galliæ locis, ut apud Sueßiones, benè subactis & stercoratis agris, ut Ruellius scriptum reliquit, seritur: seritur & in agro Leodiensi, apud Zelandos, & aliis Belgij locis: in Germania nonnusquam sua sponte exire fertur, atque vna cum Lino enasci, cuius vitium existimatur.

Germani Flachsdottern & Linndottern nominant, Galli Camelina, quo etiam nomine Belgis innotuit: Officinae pleraque Sesamum appellant, oleoque huius pro Sesamino vtuntur.

Est autem Camelina hæc, cereale illud Erysimum, quod à Galeno lib. i. De aliment. facult. ac à Theophrasto ἐρύσιμον appellatur, quodque inter fruges vna cum Sesamo refertur. Siccum id, ut inquit Theophrastus, cibo idoneum est, quia quantum in eo amaritudinis difficultatisque, Solis operâ percoctum excretumque est. Viride vero à nullo animali tangi videtur, propter amaritudinem & grauitatem saporis.

Est tamē & aliud ἐρύσιμον, à Dioscoride lib. ii.

phrasti Erysimo multum differens; nam præsentem frugem Dioscorides non ἐρύσιμον, sed μάγρων nominat, quod aliqui, inquit, μελαχυτηρι vocant, similitudine forte foliorum, quam cum altero Theophrasti ac Galeni Melampyro, à Myagrio differente, habet.

Plinius frugem Sesamo similem Latinis Irionem, Græcis ἐρύσιμον, Gallis Velarum appellari, lib. XXII. cap. XXV. scribit: & libro XVIII. cap. x. huic (scilicet Sesamo) simile, ait, in Asia Græciaque ἐρύσιμον: idemque erat, nisi pinguis esset, quod apud nos vocant Irionem.

Porro quemadmodum, Galenus inquit, Milio Panicum ad simile quidem quodammodo est, verum vnde quaque deterius; ad eundem modum & Sesamo Erysimum, corporis substantia quodam pacto est affine, sed in cibo est insuauius, corporique alimentum parcus exhibet, prædictoque omnino est deterius.

Temperamento autem, calidum quoque, vti Sesamum est, sitemque etiam excitat.

Seminis oleosa pinguitudine corporis asperitates leuigari atque expoliri, Dioscorides ait, creditur.

Viceribus oris herbam succo suo mederi; oleo pauperes in epulis, diuites in lucernis vti, Ruellius auctor est.

De Lino.

CAP. XXIIII.

Linum sativum.



TE N V I B U S ac rotundis culmis siue virgis Linum assurgit, folia ei oblonga, anguita, acuminata: flores in summis virgis speciose, colore cœrulei; quos parua, rotunda, orbiculata capitula, siue vascula succedunt; in quibus semen, figura aliquatenus oblonga, lœve, glabrum, splendens, ex fulvo colore punicans: radicibus nititur exilibus.

Pingu: lætoque solo, locis humilioribus non sificantibus, felicius prouenit. Pinguissimum enim, vt Columella ait, locum & modice humidum poscit. Aliqui, inquit Palladius, macro solo spissum serunt, ita assequuntur vt Linum subtile nascatur. Plinius scribit seri fabulosis, maximè uno sulco, nec magis festinare aliud, vrereque agrum & deteriorem ipsum facere, quod & Virgilius in Georgicis attestatur:

*Vrit Lini campum seges, vrit Auena,
Vrunt lethæo perfuso Papauera somno.*

Seritur Linum Vere, Maio & Iunio mensibus floret: post messem (Plinius lib. XIX. cap. 1.) virgæ ipsæ merguntur in aquam, solibus tepefactam, pondere aliquo depreßam: maceratas indicio est membrana laxior, iterumque inuersæ, vt prius, Sole siccantur: mox arefactæ in faxo tunduntur stupatio malleo. Quod proximum cortici fuit, stupa appellatur, deterioris Lini, lucernarum ferè luminibus aptior.

Græci λίνον pariter vt Latini nominant; Germani Flachs: Itali & Hispani Lino: Galli du Lin: Belgæ Vlas.

Hoc semine, Galenus lib. I. De aliment. facult. ait, nonnulli quidem frixo vti obsonio cum garo, non secus ac factitio sale, vtuntur. Utuntur autem & melli permiscentes: quidam panibus & ipsum quoque aspergunt. Stomacho autem noxiū & concoctū difficile, exiguumque alimentum corpori exhibit. Quod verò ad ventris deiectionem pertinet, ipsum nec probaueris nec vituperaueris: exiguum tamen vrinæ mouendæ habet facultatem, quæ magis appetit cùm frixum sumitur. tunc autem aluum quoque magis sicut. Rustici autem homines eo utuntur sæpenumerò, frixo tufoque mel admiscentes.

In libris verò De simplic. medicament. facult. Lini semen esum flatuosum est, inquit, etiam si frigatur; adeò sane recrementitia humiditate plenum est. Est verò etiam in primo ordine quodammodo calidum, at humiditatis & siccitatis veluti in medio est situm.

Quantopere autem flatuosum, & recrementitia humiditate plenum semen Lini sit, pau-

Y 3 cis

cis ab hinc annis Middelburgi in Zelandiis animaduerti potuit, cum propter frumenti aliarumque frugum inopiam, plerique ex ciuibus pane & libis ex hoc coctis vescerentur. Distenta enim his valde citò hypochondria fuerunt, & facies aliaeque partes tumide factæ; quorum non pauci sic affecti, etiam mortui sunt. Neque enim aliunde haec symptomata, quam ex recrementitia semenis humiditate, quæ flatulentiam parit.


Lini semen, ut Dioscorides memoriae prodidit, easdem quas Fœnumgræcum vires obtinet: discutit & emollit, omnem intus forisque inflammationem, cum melle, oleo, exiguaque aqua decoctum, aut melle cocto exceptum: cutis in facie vitia, quas ἐφιλευ vocant, crudum, & varos cum nitro & sicibus impositum tollit: cum lixitio verò parotidas duritiasq; discutit, herpetas fauofisque cum vino decoctum expurgat, vngues scabros eximit, cum pari modo Nasturtij & mellis, quæ in pectore vitiosa, educit; cum melle eclegmatis modo acceptum, & tuſsim lenit. Venerem extimulat, si pipere & melle acceptū, pro placenta largius assumatur.

Huius decoctum ad interaneorum vuluæque erosiones immittitur, & alii excrementa educenda: inſeffu ad vteri inflammations, veluti Fœnumgræcum, perquam vtile est.

Oleum quod ex semine eius exprimitur, multiplicem viam habet, nec enim à pictoribus aut statuariis aliisve artificibus expetitur ſolum, vel ad lucernas tantum vtile eſt, ſed etiam medico vſui feruit: nam & duritias omnes mollit, neruorum tensiones contractionesque laxat, dolores illitum ſopit. Sunt etiam qui bibendum exhibeant lateris aut coli dolore laborantibus, verùm recens ſit oportet, rancidum enim factum & nauſeam excitat, & plus quam par eſt calefacit.

De Lino filuestri. C A P. x x v.

Linum filuestre.



1.

2.

3.

LINUM filuestre satiuī Lini similitudinem ac ſpeciem quamdam habet: caulinis aſſurgit tenuibus, circa quos anguſta ſunt foliola, veluti Lini, floſculi forma ſimiles, ſed aliquantò minores, & haudquaquam cærulei, ſed colore lutei: ſuccedunt rotunda quoque capitula, ſed minora.

Haud procul à mari, in pratis ac herbosis locis, in nonnullis regionibus gignitur, veluti in Narbonensi Gallia.

Iunio ac Iulio floret, ſeriūs quam ſatiuum.

Linum appellatur filuestre, quod non ſatū, ſed ſpontē exeat: item & Marinum Linum, quod maritimis gaudeat, in ſtamina diduci & iſtud poſſe refertur.

Sunt verò & alia quædam filuestria Lina à C. Cluſio diligentissimè deſcripta in ſuis per Hispanias obſeruatis.

Vnum foliis refert eſſe latiusculis, trineruiis, lanuginofis: ramulis fastigio, vti Heliotropij maioris, reflexis, floſculis Lini maioribus, capitulis & ſeminibus ſimilibus.

Alterum anguſtioribus foliis, floſculis, capitulis, & ſeminibus Lini minoribus.

Tertium perpetuō virēs: foliis anguſtis, ſubalbidis, & radice reſtibili.

Reperiuntur in Hispaniis primum & tertium, alterum in Gallia haud procul Lutetiā.

Ceterū filuestria haec Lina nullum in medicina vſum habent; facultates idcirco eorum incompertæ.

De Cannabe. C A P. x x vi.

CANNABIS caulis profert rotundos, erectos, inanes, quinque aut ſex pedes altos, alis compluribus luxuriantes; quando videlicet ſua ſponte filueſtris exit: vbi verò in agris feritur, ramis nullis, aut omnino paucifimis: folia ei dura ſunt, aspera, ſubnigra, & ſi cōfricentur, graueolentia, ex ſex, ſeptem, aut pluribus aliis ſimul hærentibus coaceruata, quorum ſingularia

Cannabis sterilis.

Cannabis fœcunda.



gularia angusta, oblonga, acuminata, & per oras serrata: semen ex alarum & foliorum finibus exit rotundum, duriusculum, medulla refertum candida: radices multas fibras habent.

Est in huius genere quadam sterilis, flores tamen proferens paruos, herbaceos, racematis cohaerentes, sed inutiles & vanescentes: alia vero seminis fœcunda, cuius flos non est conspicuus.

Elt & siluestris quædam Dioscoridi Cannabis: eadem & Maluæ siluestris, siue Alceæ species, de qua in olerum historia inter Maluas.

Solum autem Cannabis, vt Columella scribit, pingue stercoratumque & riguum, vel planum atque humidum, & alte subactum depositit. In quadratum pedem seruntur grana sex seminis Arcturo ex oriente, quod est vltimo mense Februario, circa sextum aut quintum Calendas Martias: nec tamen usque in æquinoctium, si sit pluuius cæli status, improbe seretur.

Apud Belgas hac ætate Aucturus ἀνεγνυχως exoritur circa Martij diem xix. aut xx. & Cannabis Martio seritur ac Aprili.

Græci κάνναν καὶ αἰσθέον nominant, item χονοσέφων, Latini Cannabem, Officinæ nomen retinent: Germanis Zamer Hanff, Italies Canape, Hispanis Canamo, Gallis Chanure, Brabantis Hemp dicitur.

Semen Cannabis Galenus in lib. De alimentorum facultatibus prodidit, concoctu est difficile, stomacho ac capiti nocet, prauique est succi.

Sunt tamen, qui eo friso cum aliis tragebatis vescantur. Τραγίματα voco, ait, quæ post Tραγίματα cœnam, voluptatis inter bibendum excitandæ gratia, eduntur. Multum autem calefacit, 7. ideoque sumptum paulò largius, caput ferit, vaporem sursum ad ipsum mittens calidum simul ac medicamentosum.

Flatus item extinguit, vt lib. De medicament. facult. adeoque desiccat, vt si plusculum edatur, genituram exsiccat.

Succus ex recenti herba conuenienter aurium doloribus, Dioscorides ait, instillatur, ab obstruktione, vt mihi videtur, Galenus addit, natis.

Rustici in Belgio seminis contusi medullam, ac liquido aliquo expressam, iæterno laborantibus

tibus initio ipsius mali exhibent, & crebrò non absque præsidio, si quando ex sola obstru-
ctione, citraque febrim exoritur. Aperit enim fellis meatum, & bilis per corpus digestionem
promouet.

Gallinas Matthiolus hoc semine ait ouiferiores reddi.

De Fœnogræco.

CAP. XXVI I.

Fœnumgræcum.



CAULEM Fœnumgræcum emittit singu-
larem, tenuem, virentem, intus concavum,
in alas ramosque diuisum: folia pratensi Trifo-
lio similia, rotundiora tamen ac minora, quæ
superiore parte virent, inferiore verò ad cineri-
tum inclinant: flores in summis virgis exiguo
candentes, Lupini floribus minores: siliques
longas, graciles, angustas, instar corniculorum
recuruas, in quibus semina non magna, forma
oblonga, angulosa, flauescens, quæ reficata
cum grauitate quadam iucundè olent: radice
nititur tenui & candida.

Seritur in Belgio in hortis medicinæ cauſa,
& quidem Vere; olim in agris serebatur. Lætum
poſcit ſolum, tenui enim, ut Theophrastus ait,
inareſcit.

Duo tempora fationum habet, auctor Colum-
mella, quorum alterum Septembris mensis, cum
pabuli cauſa feritur, iisdem diebus quibus Vi-
cia, circa æquinoctium: alterum mensis Ianua-
rij ultimo, vel Februarij primo, cum in mesſiem
ſeminatur.

Græcis τῆλις appellatur, item ξάφπος, ſiue, ut
Pliniana exemplaria, ξάρφος: & βούνεργε, αἰγό-
νεργε, νεργίτης, λωτός: Latini Fœnumgræcum:
rufſici Siliquam, Columella ait, appellant. In
Plinio Silicia legitur, apud Varroem verò Sili-
cula: Germanis Boetſhorn oder Kühorn: Italis
Fiengreco: Hispanis Alfornas & Alholuas: Gal-
lis Fenegrec: noſtris Fenigretē dicitur.

Semen Fœnigræci inter manifesta calfacientia, Galenus in lib. De aliment. facult. tradit,
censetur, euimdemque hominibus in cibo vſum præstat quem Lupini: ſumitur enim ipsum
cum garo, alui subducenda gratia: eftque huic rei multo quam Lupini accommodatius, cum
nihil ex propria ſubſtantia habeat, quod transiſtum remoretur. Manditur autem & cum ace-
to & garo, ſicut Lupini. Multi præterea & Fœnumgræcum & Lupinos ex vino, garo, & oleo
ſumunt: alij etiam panem addunt, eoque obſonio ſunt contenti, quod ut ventrem minus
subducat, caput certè (ceu nonnullis Fœnumgræcum ex garo facere ſoleat) non ferit: præ-
terea ſtomachum non ſubuerit: nam id quoque Fœnumgræcum in quibusdam efficit.

Vefcuntur autem nonnulli Fœnogræco, prius quam planta ipſius ſemen produixerit, ace-
to & garo intingentes: quidam autem oleum affudentes, eo obſonij vice cum pane vtun-
tur: ſunt qui cum aceto quoque & garo ipsum mandunt. Caput autem hoc quoque ſum-
ptum copioſius ferit: quod faciet impenſius, ſi quis ipsum ſine pane ſumpferit: quibusdam
item ſtomachum ſubuerit.

Succus autem elixi Fœnigræci cum melle ſumptus, ad omnes prauos humores, qui in in-
testinis habentur, subducendos eft accommodus, ſuo quidem lentore leniens, calore autem
dolorem mitigans. Quod autem abſteriora facultatis quoque fit particeps, intestina etiam
ad excretionem iſtigat, ſed parciū mel ei eft admifcendum, ne mordacitas exuperet. In
diuturnis verò thoracis citra febrem affectibus, pingues cum eo Palmulas elixare quidem
oportet; vbi autem ſuccum ipsum expreſſum copioſo melle miſcueris, ac rurſum ſuper car-
bones ad mediocrem cratiſtiem coxeris, tum demum longè ante cibum vti.

In lib. De ſimpli. medicament. facult. Fœnumgræcum, ait, calidum eft ſecundi ordinis,
deficcat primo: proinde feruentes phlegmonas irritat acerbatque: quæ verò minus ſunt cali-
dæ & magis duræ, eas digerendo curat.

Fœni-

Fœnigræci farina, Dioscorides tradit, vim habet emolliendi discutiendique: cum melicrato decocta & imposita, facit ad inflammations, tam internas quam externas; lienem cum aceto & nitro subacta & imposita extenuat.

Decoctum eius infessu, ad muliebria mala, quæcumque ex inflammatione aut præcluſione consistunt, vtile est.

Expressus in aqua decocti succus, capillos, furfures & manantia capitis ulcera, ἀχωρεῖς vocant, purgat: cum anserino adipe pelli vice subiectum, locos circa uterum dilatat & emollit.

Spergula.



Viride cum aceto debilibus locis, & exulceratis prodest. Decoctum eius aduersus tenesmos, & grauiter olenia dysentericorum excrementa confert.

Oleum quod ex eo exprimitur, capillos & in genitalibus cicatrices abstergit.

Sunt porro & quædam silvestria appellata Fœnogræca, de quibus inferius cap. xv. huius Pempt. lib. IIII.

De Spergula. CAP. XXVIII.

SPERGULA caulinis exit tenuibus, rotundis geniculatisque, dodrantem aut pedem altis: foliola circa genicula radiantis stellæ modo in orbem disponuntur, parua, tenuia, & angusta: flores in summo caulinorum candiduli, Alſines persimiles: parua deinde rotunda ac orbiculata vascula, Lini capitulis similia, in quibus semen conditur paruum, rotundum, nigrum, Rapi semine minus: radix tenuis est.

Seritur in aruis, & potissimum quidem Autumno, ut hieme, ac primo Vere, cum alia papula defecerint, bubus præbeatur.

Vulgò in Brabantia Spueric appellatur, atque inde Latinè Spergula: nonnulli Polygalum nominant, quod lactis abundantiam bubus promoueat. Non est tamen Dioscoridis πολυγαλον, quod multum ab hac differt.

Pabuli, ut diximus, caufa seritur, nec alium usum, quod sciām, habet.

Semen vomitione pituitos humores educere plerique referunt; estur tamen à gallinis & columbis, quæ non solum citra noxam idipsum sublegunt, verum etiam, hoc pastæ, & oua plura, & citius excludere creduntur.



STIR-